0.0.1 sārandadasuttam

- 1. ekam samayam bhagavā vesāliyam viharati mahāvane kūṭāgārasālāyam. atha kho bhagavā pubbanhasamayam nivāsetvā pattacīvaramādāya vesālim piņḍāya pāvisi.
- 2. tena kho pana samayena pañcamattānam licchavīsatānam sārandadecetiye sannisinnānam sannipatitānam ayamantarā kathā udapādi: 'pañcannam ratanānam pātubhāvo dullabho lokasmim. katamesam pañcannam: hatthiratanassa pātubhāvo dullabho lokasmim. maņiratanassa pātubhāvo dullabho lokasmim, itthiratanassa pātubhāvo dullabho lokasmim, itthiratanassa pātubhāvo dullabho lokasmim gahapatiratanassa pātubhāvo dullabho lokasmim imesam pañcannam ratanānam pātubhāvo dullabho lokasmi'nti.
- 3. atha kho te licchavī magge purisaṃ ṭhapesuṃ, 'yadā tvaṃ¹ ambho purisa passeyyāsi bhagavantaṃ āgacchantaṃ, atha ambhākaṃ āroceyyāsī'ti. addasā kho so puriso bhagavantaṃ dūratova āgacchantaṃ. disvāna yena te licchavī tenupasaṅkami. upasaṅkamitvā te licchavī etadavoca: 'ayaṃ so bhonto² bhagavā āgacchati³ arahaṃ sammāsambuddho, yassadāni kālam maññathā'ti.

pts page 168

¹yathā tvaṃ - sīmu, pts.

²bhante - sīmu.

³gacchati - machasam.

- 4. atha kho te licchavi yena bhagavā tenupasaṅkamiṃsu. upasaṅkamitvā bhagavantaṃ abhivādetvā ekamantaṃ aṭṭhaṃsu. ekamantaṃ ṭhitā kho te licchavī bhagavantaṃ etadavocuṃ: 'sādhu bhante bhagavā yena sārandadaṃ⁴ cetiyaṃ tenupasaṅkamatu anukampaṃ upādāyā'ti. adhivāsesi bhagavā tuṇhībhāvena. atha kho bhagavā yena sārandadaṃ cetiyaṃ tenupasaṅkami. upasaṅkamitvā paññatte āsane nisīdi. nisajja kho bhagavā te licchavī etadavoca:
- 5. "kāyanuttha licchavi, etarahi kathāya sannisinnā? kā ca pana vo antarā kathā vippakatā"ti? idha bhante amhākam sannisinnānam sannipatinānam ayamantarā kathā udapādi: pañcannam ratanānam pātubhāvo dullabho lokasmim. katamesam pañcannam: hatthiratanassa pātubhāvo dullabho lokasmim. assaratanassa pātubhāvo dullabho lokasmim. maṇiratanassa pātubhāvo dullabho lokasmim. itthiratanassa pātubhāvo dullabho lokasmim gahapatiratanassa pātubhāvo dullabho lokasmim. imesam pañcannam ratanānam pātubhāvo dullabho lokasmimi.
- **6.** kāmādhimuttānam vata vo⁵ licchavīnam kāmaţţeva arabbha antarā kathā udapādi.
- 7. pañcannam licchavī, ratanānam pātubhāvo dullabho lokasmim. katamesam pañcannam: tathāgatassa

⁴sādhu bhante yena sārandadam - machasam.

bjt page 274

⁵vata bho - machasam.

arahato sammāsambuddhassa pātubhāvo dullabho lokasmim. tathāgatappaveditassa dhammavinayassa desetā puggalo dullabho lokasmim. tathāgatappaveditassa dhammavinayassa desitassa viññātā puggalo dullabho lokasmim. tathāgatappaveditassa dhammavinayassa desitassa viññātassa dhammānudhammapaţipanno puggalo dullabho lokasmim. kataññū katavedi puggalo dullabho lokasmim. imesam kho licchavī, pañcannam ratanānam pātubhāvo dullabho lokasminti.

pts page 169